

永樂大典

卷七千七百一

永樂大典卷之七千七百一

十九庚

京

南京

地理通釋唐肅宗實錄至德二年改蜀郡為南京以荊州為南

伯所居商丘周為宋國漢為梁國隋唐為宋州太祖以歸德軍節度使即位定有天下之號曰宋景德三年升應天府祥符七年升南京正統曰歸德高宗即位于此宋會要真宗景德三年二月詔曰雅陽與區平臺舊漢兩漢之盛並建於咸陽五代以還存升於節制地望雄於征鎮疆理接於神州實都畿近輔之邦乃帝業肇基之地恭惟聖祖誕慶鴻圖爰於歷試之初恭頌元戎之奇振謠所集符命存錄殆茲系朝俯同列郡式昭茂烈且錫崇名用彰神武之功且表興王之盛且升為應天府宋城縣為次亦寧陵楚丘拓城下邑教熟虞城等縣並為次歲大中祥符七年正月二十九日詔曰雅水名區實一方之都會商丘與梁為三代之舊邦形勢表於山河忠烈存於風俗世文祖之歷試蓋王命之初基今者仲欽謁於楹庭

永樂大典卷之七千七百一

既揚茂則徇獲來於竹苑方霽湛恩期克壯帝猷俾華所京邑用志興王之地允符遠孝之心應天府宜升為南京正統以歸德為名咨爾都民承于世德慶靈所佑感忱良多二月一日詔名南京門曰崇禮雙門曰祥輝外西門曰迴鑿三日以主客郎中知應天府馬元方兼南京留守司事合置官屬名目下審官院流內銓一如西京之式三月十三日詔名南京城大東門曰昭仁小東門曰延和小西門曰順成北門曰靖安新隔門曰承慶仁宗慶曆五年九月十八日置南京留司御史臺燕翼詒謀真宗皇帝東封西祀思顯先烈大中祥符七年正月乙卯詔升應天府為南京建行宮正殿以歸德為名以聖祖殿為鴻慶宮奉太祖太宗像侍立於聖祖之旁其後達開高宗皇帝中興之祥殆非偶然者宋史列傳朱勝非靖康元年為東道副總管權應天府全人攻城勝非逃去會揚進改敵後遷視事踰年詣濟州謁康王言南京為藝祖興王之地請幸之以圖大計王即位南京建炎改元夏文莊公集乞修南京內狀右臣伏觀大中祥符七年二月一日敕勅節文應天府升為南京正殿以歸德為名臣到職後躬詣大內謹視莞菴其正南內門上有先朝題其榜曰重熙禎慶之門樓皆損動其下只是依舊雙門未變列郡之制雖有兩觀雉堞又無朵樓內城之

中並無歸德之致但是顏垣茂草內有真宗皇帝御製御書南京御製
 詩碑石一片小室遮蔽未曾建立其東北隅小亭子一座內有先皇御製
 御書駐蹕詩四首粉版門牆不葺塵埃所間臣職在居守理合奏陳者伏
 以商丘仰當大火寶勢形勝佳氣鬱葱藝祖肇基之邦聖朝根本之地發
 祥薦祉應天順人由七十里而與天乙是資於景毫崇三十世之王文昌
 始大於岐周用建名都寔陪上國與中天而對峙全洛宅以相望至于官
 局解居咸從改革而乃闕廷宮掖悉未繕修漢唐南陽之都唐重北門之
 館並資壯麗以示威神况茂陵之餘烈方宣真廟之鳴鑾未遠必欲仰模
 太紫上憲俯取備九寢之儀敵千門之式慮煩力役或有費財任臣今乞
 依先朝勅旨只創歸德一殿安駐蹕詩版又以宮室之儀門闕為重猶取
 諸侯之制未成王者之都欲乞於南端開正門三闕東西增築樓二座所
 費它工至鮮不日可成仍乞選差八作司臣察將帶工匠到此計度却於
 東京木場事造材植紫掖浮汴赴當京修蓋伏望聖慈特賜開可所貴宮
 闕之度稍合於彝章祖始之基益隆於景命有先鴻祚永膺皇圖歐陽公
 集南京謝上表皇祐二年七月臣某言伏蒙聖恩就差臣知應天府兼南
 京留守司事臣已於今日二十四日赴上訖者守宮鑰之謹嚴敢忘風夜

永樂大典卷七千七百一

二

布政條之纖悉上副恩憂寄任非堪統營並集臣某中謝伏念賦才庸
 薄稟數奇屯設警交與兩宰過實寵榮踰分動輒招尤念報效之未伸敢
 不竭忠而盡瘁困風波之可畏則思遠去以深藏迨此六年外吏三守學
 偷安而杜口負素志以愧心朽質易衰已凋零於齒髮良特難得尚希恭
 於功名豈謂皇慈未捐舊物擢從吏部委以名都惟此別京舊當孔道薄
 領少勤於職事廚傳取悅於路人苟循俗吏之所為難能免過非有古人
 之大節未足報君梅聖俞宛陵某送王宗說寺丞歸南京 晏歲欲飛雪
 滿天含凍雲犯寒單騎遠獵吹紫裘薰庭鶴還先喜池鴻去始聞公應聞
 貧賤善說莫如君 送韓登判王汝選南京侍賀大禮表天子甘泉祀歡
 聲決九圍綠章馳騎入朱服佩魚歸賦雪上賓席買紫更舞衣清池無限
 屬莫道信音稀 虞備尊白堂集過南京 三蘇當日振英華下榻相有意
 已佳太息樂全無 樓見舊廬聞蜀女真家許綸詩宿南京 謝賈有兵
 二十八家城城下非虛說胡也五萬兵淒涼無復舊南京 中天王氣終當
 復千古封疆只宋城 洪造盤洲集次韻南京道中 寒葉成陰行路寬
 鳴鶯轉足聞顏半金泥滑夜來雨數片雲飛何處山薄暮每尋樽俎共殘
 春能伴節旄還塵襟好濯西湖水偷取禪房一日閑 送劉元忠學士還

南京 昔見相公登瀛洲今見公子為校讎鯤鵬變化三十載我生安得
不白頭君前拜恩父前慶暫向南都乘順流南都留守頗為喜將吏入賀
靴聲過酒昇銀篋羊膾炙上下和煦務涼秋歸來却上柳堤路西風健馬
控花虬曾平詩送孫莘老移知南京 稚年曾未覩風標瀚海初聞校俊
髦國子先生曾並席曾在明先主講下蓬萊學士看揮毫量滿萬頃滄溟
濶氣吐千尋太華高述性妙思窮孔孟公有十述述性是其一七指南餘
藻屈雖棄兩世之指狂談經落落籟道輝作五峰飛步倦倦踏海鷗試館
賦忠力敢前輕獲毛剛勝一決快吹毛歸來有意成陶賦謫去無言吊楚
騷志不下人寧碌碌特非知我但驚雷吳江香水尋幽寺如湖州越嶺秋
風聽怒濤按如福州宣室鬼神靈語斷長安鐘鼓夢思勞廣陵南隔迷桑
梓泗水東來照節旄如徐州成愔四隅消警吹惠流比屋樂耕課真仙應
祝通時澤朽骨平寬息夜號蕭洒幅巾忘夢覺清涼文室突燠膏淮陽大
節孤尤峻吏部雄材晚更豪遣使執經稱弟子虛煩解榻下功曹曾迷馬
祖山前鹿煩悟華亭水底瀉細扎忽聞吏界翰高牙俄見列弓刀照回天
子今方悟怒拂龍顏昔未遺屈指陪京非久駐太平功業待伊舉遷史南
京新津府本古冀州之地高陽氏謂之幽陵陶唐曰幽都有虞折為幽州

永樂大典卷七千七百一

三

商併幽於冀周分并為幽職方東北幽州山鎮醫巫閭澤藪養川河澤
浸蓄特其利魚鹽其畜馬牛豕其穀黍稷武王封太保奭于燕黍以其地
為漁肆上谷右北平遼西東五郡漢為燕國歷封臧荼盧綰劉建劉濞劉
且常置丞郡廣陽國後漢為廣平國廣陽郡或合于上谷後置幽州後周
置燕及范陽郡隋為幽州總管唐置大都督府改范陽節度使安祿山史
思明李懷仙朱滔劉倂劉濟相繼割據劉總歸唐至張仲武張允中以上
得氏劉仁恭父子僭爭遂入五代自唐而晉高祖以遼有援力之勞割幽
州等十六平以獻太宗升為南京又曰燕京城方三十六里崇三丈衛廣
一丈五尺敵樓戰棹具八門東曰安東迎春南曰開陽丹鳳西曰顯西清
晉北曰通天拱辰大內在西南隅皇城內有景宗聖宗御容殿二東曰宣
和南曰大內內門曰宣教改元和外三門曰南端左掖右掖左掖改萬春
右掖改千秋門有樓閣毬場在其南東為永平館皇城西門曰顯西設而
不開北曰子北西城頗有涼殿東北隅有燕角樓坊市廨舍寺觀蓋不勝
責其外有居庸松亭榆林之關古北之口桑乾河高梁河石子河大安山
燕山中有瑤輿府曰幽都軍號盧龍開泰元年落平顯統州六縣十一兵
衛志南京新津府統縣十轄軍府州城九有丁五十六萬六千全史地理

志南京路圖初曰汴京貞元元年更號南京府三領節鎮三防禦八刺吏
郡八縣一百五都城門十四曰開陽曰宣仁曰安利曰平化曰道遠曰宜
照曰利川曰崇德曰迎秋曰廣澤曰順義曰迎朔曰順常曰廣智宮城門
南外門曰南薰南薰北新城門曰豐宜橋曰龍津橋北門曰丹鳳其門三
丹鳳北曰丹橋橋少北曰文武樓連御路而北橫街也東曰太廟西曰郊
社正北曰承天門其門五雙闕前引東曰登聞檢院西曰登聞鼓院檢院
東曰左掖門門南曰待漏院鼓院西曰右掖門門南曰都堂直承天門北
曰大慶門門東曰日精門又東曰左昇平門大慶門西曰月華門又西曰
右昇平門正殿曰大慶殿前有龍輝又南有丹輝又南曰沙埠東廡曰嘉
福樓西廡曰嘉瑞樓大慶後曰德儀殿殿東曰左昇龍門西曰右昇龍門
正門曰隆德內有隆德殿有蕭牆有丹輝隆德殿左曰東上闕門右曰西
上闕門皆南向鼓樓在東鐘樓在西隆德之次曰仁安門仁安殿東則內
侍局又東曰近侍局又東則嚴祗門宮中則稱曰撒合門少南曰東掖則
掖除樓也西曰西掖仁安之次曰純和殿正寢也純和西曰雪香亭亭北
則后妃位也有樓樓西曰瓊香亭亭西曰涼位有樓樓北少西曰玉清殿
純和之次曰福寧殿殿後曰苑門內曰仁智殿有二太湖石左曰教錫神

永樂大典卷七千七百一

四

運萬歲峯右曰玉京獨秀太平巖殿曰山莊其西南曰萃微閣苑門東曰
德韶院院北曰萃峯峯之洞曰大滌滌翠東連長生殿又東曰滂金殿又
東曰蓬萊殿長生西曰浮玉殿又西曰瀛洲殿長生殿南曰闕武殿又南
曰內藏庫殿祗門東曰尚食局又東曰宣徽院院北曰御藥院又北右藏
庫東則左藏庫宣徽院東曰點檢司司北曰秘書監又北曰學士院又北
曰諫院又北曰武器署點檢司南曰儀鸞局又南曰尚輦局宣徽院南曰
拱衛司又南曰尚木局其南為紫禧門又南曰安泰門門與左昇龍門相
直東則壽聖宮兩宮太后位也本明俊殿試進士之所宮北曰徽音院又
北曰燕壽殿殿坦後少西曰振肅衛司東曰中衛射司儀鸞局東曰小東
華門東滿在馬中衛射司東曰祗肅門少東南曰將軍司徽音寺聖東曰
太后苑苑殿曰慶春與燕壽殿並小東華門與正東華門對東華門內正北
尚廡局其西北曰臨武殿左掖門北尚食局南曰宮苑司其西北尚廡局
湯藥局侍儀司少西曰符寶局器物局又西則撒合門也嘉瑞樓西曰三
廟正殿曰德昌東曰文昭西曰光興德昌後宣宗廟也宮西門曰西華與
東華相直北門曰安貞洪武志與地志云鍾山古金陵山也縣邑之名由
此而立建康實錄云楚威王築城石頭置邑以其地接華陽金壇之陵故

永樂大典

卷七七〇一

號金陵於天文共星斗牛其次星紀秦始皇三十六年以金陵為鄣郡治
故鄣三十七年東遊還過吳從江乘渡望氣者言五百年後金陵有天子
氣因鑿鍾阜斷金陵長隴以通流至今呼為秦淮乃改金陵邑為秣陵縣
諸葛亮所謂鍾山龍盤石城虎踞真帝王之宅漢承三代舊制置揚州統
丹陽郡所領縣邑有今浙西浙東二道及浙東道之半吳晉宋齊梁陳代
加分割隋立蔣州唐以隸潤州又改昇州管屬始陸於善南唐建金陵府
縣邑猶更屬不常宋初為江寧府改建康府始定有江寧上元句容溧水
溧陽之地東西二百三十五里南北四百六十里東抵鎮江東南抵常州南
抵寧國西南抵太平西抵和州西北抵真州以大江中流為界
本朝應運肇基應天府實星紀斗牛之分且與三統之正相協自周以來數
十年間

帝王之運通符於今豈非曆數耶應天府志府境古揚州之域周顯王時越
滅吳置金陵邑秦改為秣陵縣漢為丹陽郡地建安十七年改秣陵曰建
業三國吳建都于此晉永嘉元年琅邪王睿鎮建業建興初避愍帝諱改
建康元帝建都于此宋齊梁陳皆因之號京華神阜隋平陳置蔣州治石
頭唐高祖州又改江寧又改昇州吳改金陵府南唐建都于此以為西都

永樂大典卷七千七百一

五

昇州江寧府宋為江寧府高宗建炎二年改曰建康府紹興二年以府治
為行宮號行都元至元十二年開行中書省後改建康路天曆二年以文

宗備邸改曰集慶路

大明丙申年改應天府洪武元年立南京北京詔曰奉

天承運

皇帝詔曰朕建邦基以成大業興王之根本為先居中原而治四方立國之規
模至重自趙宋末世夷狄入主中國今百有餘載其運乃終羣雄紛爭未
見有定于一者民遭塗炭亦已極矣朕以布衣當擾攘之際投身戎伍率

衆渡江

天地眷佑

祖宗積德臣下宣忠三軍用命西平陳友諒東滅張士誠南靖閩廣北有中原
武功大集混一之勢已成十七年間糧儲軍須百物料徵頻煩尤甚民無
休息者皆江左一方受供給之繁遂致天下收平寧之效民初有助於朕
其可忘乎頃幸大梁詢及父老皆曰昔聖人居中國而治四夷天下咸服
朕觀中原土壤四方朝貢適里適均父老之言乃合朕志可不從乎然立
國之規模固大而興王之根本不輕以金陵大梁為南北京朕於春秋往

來巡狩駐守播告爾民使知朕意至於立

宗社建宮室定朝市南京既以創置矣北京其今有司次第舉行於戲江左開
基立四海永清之本中原圖治廣一視同仁之心故茲昭示想宜知悉
洪武京城圖志春坊贊善王俊華圖志序 天地定位山川啓奧區之秘
宅中考卜河嶽壯金湯之固况乎神聖聖壤其所蓄也深則其待於今也
大

聖人應期啓運故天發其藏地闢其會而疆國經野之制固有以執堂踞而跨
兩京者矣金陵控扼吳楚天整絲其西北連山拱其東南而龍蟠虎踞之
勢昔人之言蓋不誣也孫吳始創居之六朝南唐雜代有其地然而疆域
之廣未極其盛者意者天之所兆正有資於今日以啓一代王業之隆也
歟歲壬辰癸巳開天厭元德群雄並起

皇上龍興淮甸天戈南指吳越首入版圖乃默與神謀即定都于是辨方正位
立洪基造丕闢而郊廓之曠以定山若增而高水若增而深四抱環合獻
奇貢異而榮光佳氣與斗牛星紀並麗乎太微帝車之間何其偉耶樹木
既固乃命將出師披山東下河南拔潼關而守之遂北推幽燕西臨汾晉
入陝右盡有秦隴之地凡元之餘墟皆來請命于庭故交廣之墟先焚之

永樂大典卷七十七首一

六

聚推結丹蒙之區山排海航咸奉琛致貢方軌畢至而京師之壯增飾崇
麗輪蹄交集絲管喧競歲時士女填郭隘郭其宏盛氣象度越今古豈區
區偏方閭位之可擬擬哉雖然

皇上經營締構蓋已極其盛矣然而遊方遠裔未覩其勝無以知

聖謨經綸之至爰詔禮曹命畫者貌以為圖毫分縷析街衢巷隧之列橋道亭
臺之施名賢祠壘之嚴邃王侯第宅之華好呈陳蕃布地有顯晦而沿革
不同各有古今而表著無異凡所以大一統之規模者可以一覽而盡得
之矣圖成并致請梓且摹之以編示四方使天下之人足跡未嘗一至者
皆得親其勝際亦若聞和鑿之音望鸞車之塵於鈞陳豹尾間也大矣哉
皇上之英謀偉略何其深且至耶且後華遺際

明特庇職春坊謹拜手稽首而言曰自古聖帝明王之有天下也若夏啟
之禪繼周漢之龍興唐宋之紹承莫不奮自西北徐起而有中土然後始
得而制東南耳

皇上不階尺土乃以吳越之疆席卷中夏冰天丹雘之域雕題金齒斷髮文身
之屬莫不重譯而至嘉禾靈草諸福之物史不絕書
天命之所係屬如是夫湛恩厚德亘千萬年

聖子神孫承承繼繼以保此無窮之基覽是圖者其尚有考於斯焉 又序唐
事府丞杜澤

聖人代天理物為億兆之君師定天下之大業宅形勝之都邑不偶然也如克
舜禹都冀成湯居商周都豐鎬洛邑漢唐闕中有宋居汴是皆統一海內
以安黎庶此可見天降聖人有造設默定之意焉欽惟

皇上當元綱解紐之際會

上天更運之特應天順人特起中夏定都江左四征弗庭勝兵西上陳虜殲滅
揚旗姑蘇張氏面縛天兵北討中原以清掃腥羶於幽朔殄么麼於蜀都

群孽盡消京畿已固所謂大明當天而燭大燄也伏惟

皇上神聖聰明深謀遠略建泰山不拔之基為萬世無窮之計詳內略外經營
邑都其龍蟠虎踞之勢長江衛護之雄群山拱翼之嚴此天地之所造設
也若乃紫微臨

金闕煌煌黃道分玉街坦坦城郭延袤市衢有條六卿居左經緯以文五府處
西鎮靜以武如十廟以祀忠烈十樓以待嘉賓此

皇上之所經制也以此觀之京師天下之本萬邦輻輳重譯來庭四海之所依
歸萬民之所取正非遠代七朝偏據一方之可侔也

永樂大典卷七千七百一

七

皇上萬幾之職命工繪圖昭示天下且叨近侍之列仰瞻

天日之光幸親斯圖不勝感戴一披而金陵形勝了然心目之間非若前代所
擬徒有其名而莫能考其實也嗚呼感矣哉因拜手稽首繫之以詩曰地
闢天開金陵大哉帝居允諧鍾山巍巍

聖德光輝奄有九圍大江滔滔

聖德深高地載天包鍾山蒼蒼大江洋洋

聖德隆昌自西自東翔南承風車書混同天命諄諄

聖子神孫萬萬年春愚且拜手

聖皇萬壽天

長地久

宮闕 奉天殿 華蓋殿 謹身殿 奉先殿 武英殿 文華殿 乾
 清宮 坤寧宮 養儀殿 春和殿 文樓 武樓 文淵閣 東角門
 樓 西角門樓 奉天門 東角門 西角門 中左門 中右門 後
 左門 後右門 左順門 右順門 武英門 文華門 春和門 午
 門 左掖門 右掖門 左闕門 右闕門 社街門 廟街門 端門
 承天門 廟左門 社右門 長安左門 長安右門 洪武門 東
 華門 東上南門 東上北門 東安門 西華門 西中門 西上南
 門 西上北門 西安門 玄武門 北上東門 北上西門 北安門
 親薰之門 已上皆宮門 朝陽 正陽 通濟 聚寶 三山 石城
 清涼 定淮 儀鳳 鐘阜 金川 神泉 太平 已上皆城門 滄
 波 高橋 上方 夾門 鳳臺 大馴象 小馴象 大安德 小安
 德 江東 佛寧 上元 觀音 桃坊 仙鶴 麒麟 已上皆外城門
 山川 鐘山 一名蔣山在城東北周迴六十里高一百五十八丈東連
 青龍山西接青溪南有鍾浦下入秦淮北接雒亭山漢末有林陵尉蔣子
 文逯盜死葬于此吳大帝為立廟封曰蔣侯大帝祖諱鍾因改曰蔣山
 石頭山 按輿地志環七里一百步緣大江南抵秦淮口山上有城因以

永樂大典卷七千七百一

十七

為名吳孫權修理因改曰石頭城今城於其上甃以磚石維壯險固甚得
 控制之勝 覆舟山 一名龍山一名龍舟山在今太平門內教場北周
 迴三里高三十一丈北臨玄武湖狀若覆舟宋武帝又改名玄武山 鷓
 鳴山 舊名鷓籠山在覆舟山西周迴十餘里高三十丈狀如鷓籠因名
 今改鷓鳴山宋元嘉中立儒館於北郊命雷次宗居之今置園子學於山
 之左又建浮圖于上以祠寶誌 石灰山 在城西北二十里周迴三十
 里高十丈晉元帝渡江王導建幕府於此舊名幕府山上有虎跑泉仙人
 臺 獅子山 在儀鳳門北與馬鞍山接周迴十餘里高三十丈又舊名

盧龍

國朝以其形名之 馬鞍山 在清涼門與石頭城相接西臨大江高十五丈
 以形似得之 青龍山 在城東南二十餘里周迴二十里高九十丈
 方山 一名天印山在城東南三十里周迴二十餘里高一百一十六丈
 四面方正如城秦始皇鑿方山長隴為瀆入江曰秦淮吳大帝嘗為葛玄
 立觀于此 聚寶山 在聚寶門外雨花臺側上多細瑪瑙石因名聚寶
 山今置欽天回回監于此 牛首山 舊名牛頭山狀如牛頭因名周迴
 四十餘里高一百四十丈二名天關山中有石窰不測淺深在西南二十

皇劉宋南郊壇在焉。三山在城西南四十餘里。舊三山磯。周迴四十里。三峯連出大江。東岸高二十餘丈。吳津濟道也。太白詩云。三山半落青天外。即是。大江自京城西南來。經西北東流入海。秦淮舊傳秦始皇時。望氣者言金陵有天子氣。東游以厭當之。鑿方山。斷壑為溝。入江。故曰秦淮。玄武湖亦名蔣陵湖。林陵湖在太平門外。周迴四十里。晉元帝所浚。以習舟師。又名北湖。宋元嘉中有黑龍見。因改玄武湖。有溝南入于秦淮。太子湖一名西池。吳宣明太子所浚。晉明帝為太子。脩西池。多養武士於內。築土為臺。時人呼為太子西池。梁昭明植蓮於此。在鷓鳴山北。德和湖在佛寧門外。

國朝新開通江水於此。泊舟以避風濤。清溪吳赤烏四年鑿。東渠石清溪。通城北。整湖溝以洩玄武湖水。舊有九曲。今上元縣南。迤邐而西。借舊內府東南出。至府學橋下。皆清溪之舊。曲通秦淮。其竹橋玄津昇平。後成淮清。折川鼎新。斗門西虹。內橋會同。等橋皆此水所通。太平隄在太平門外。

國朝新築。以備玄武湖水。其下曰貫城。以刑部都察院五軍新事官在其西。皆執法之司。以天市垣有貫索星。故名焉。玉潤在蔣廟側。綠山潤是。

永樂大典卷七七〇一

十八

東潤在鍾山宋熙寺基之東。竹篠港在觀音門外。去城三十餘里。天地壇在正陽門外。山川壇東。按古以南北二郊分祭。掃地以行事。

國初嘗因之。風雨寒暑。屢致弗調。

皇上斷自宸衷。以王者父天母地。無異祭之理。乃以

天地合壇而祭。配以

仁祖淳皇帝。殿以殿宇左右列壇。以日月星辰。岳鎮海瀆。風雲雷雨。山川太歲。

歷代帝王。天下神祇。及府城隍之神。從祀。禮意極嚴。定為萬世之制。每歲

率以正月中旬。親祀。至為簡當。自此年穀順成。禎祥疊見。社稷壇在

端門之右。舊嘗分祭。有乖禮意者多。

皇上歷考古制。互有不同。以為五土生五穀。所以養夫民者也。分而祭之。生物

之意。若無所施。於是合祭于一。春祈秋報。歲率二祀。太廟在端門之

左。龍江壇

國朝新建在金川門外。凡

行幸出師。親王之國。則祀于此。帝王廟

國朝新創。凡古之聖帝明王。下及歷代開基創業之君。統治保邦之志。能遺

法於後世者。皆於此祀之。廟在鷓鳴山陽。城隍廟南。唐在城西北。元

在大廟街。

國朝初建斗門橋東今在鷓鴣山南。真武廟。宋太平興國二年置在清化市東。今徙鷓鴣山南。卞壺廟。卽卞將軍廟。舊在朝天宮西。治城。晉蘇峻作亂。尚書令卞壺與其二子行賡死難。人謂忠孝萃于一門。南唐保大中始建忠貞亭於其墓北。宋慶曆改亭曰忠孝。胡銓作記。

國朝建置鷓鴣山南。蔣忠烈廟。舊在蔣山之西北。神蔣姓。名子文。漢林陵尉。討盜至鍾山。為賊所傷死。而為神。甚有異迹在人。吳大帝為立廟。歷代皆祀之。

國朝建于鷓鴣山南。劉越王廟。舊在上元縣東。相傳南唐劉仁贍廟也。國朝建置鷓鴣山南。曹武惠王廟。舊在聚寶門外。王諱彬。諡武惠。宋開寶中統兵平江南。不殺一人。邦人感之。為立祠。

永樂大典卷之七十一

十九

國朝建置鷓鴣山。元衛國公廟。公名福壽。元末為南臺大夫。天兵下。建康死之。謚曰忠肅。

國朝為立祠鷓鴣山南。春秋祀焉。功臣廟。國朝建鷓鴣山南。凡本朝開國元勳。功在社稷。澤及生民者。則祀于此。五顯廟。今建在鷓鴣山。闕羽廟。舊在針工坊。宋慶元年間建。今徙鷓鴣

鳴山南。徐將軍廟。在獅子山。晏公廟。在定淮門外。無祀鬼神壇。在神策門外。

寺觀。靈谷寺。梁之開善寺。唐改寶公院。南唐改為開善道場。宋改太平興國寺。今名靈谷寺。徙鍾山東南。鷓鴣寺。在鷓鴣山。

國朝新建。置寶公塔於寺後之山巔。百福寺。在石灰山東。國朝所建。善世寺。元龍翔寺。在會同橋北。今改善世寺。徙聚寶門外。能仁寺。宋定林寺基。天禧寺。即古長干寺。宋名天禧寺。在聚寶門外。有塔。今名因之。能仁寺。舊在應天府學西。劉宋建名報恩寺。南唐改為興慈院。宋改為能仁寺。今因之。徙聚寶門外。善世寺西。若華寺。在聚寶門外。能仁寺北。

國朝所建。西天寺。在聚寶門外。天禧寺東。國朝所建。鐵塔寺。在朝天宮後岡上。宋太始中建。號延祚寺。唐時建塔

寺內。宋名寺曰正覺。塔曰普照。今有塔無寺。朝天宮。在建安坊西。吳治城。晉西州宋總明觀。楊行密建紫極宮。宋改天慶觀。元改永壽宮。今名

朝天宮。卞壺廟在其西。謝公墩在其北。神樂觀。在正陽門外。大祀壇西。

國朝新建以居高道為樂舞生者大祭祀俾之泣事。盧龍觀。在儀鳳門內獅子山。

國朝新建

官署。文職。宗人府。在承天門外御街東。吏部。在宗人府南。戶部。在吏部南。禮部。在戶部南。兵部。在禮部南。工部。在兵部南。刑部。在太平門外。都察院。在太平門外。通政司。在長安右門外公生門南。太常司。在後軍都督府南。詹事府。在翰林院南。應天府。在舊內西錦綉坊內。元御史大夫宅。光祿司。在內城西。翰林院。在長安左門外公生門南。太醫院。在詹事府南。欽天監。在太常司西其測候臺在鷄鳴山。欽天回監。在聚寶門外其測候臺。在聚寶山。五軍斷事官。在太平門外。五城兵馬司。中城在今內橋北。六朝舊內門基。東城。在工部東。西城。在三山門外。西關北街。北城。在吏部樓北。南城。在聚寶門外。上元縣。宋在城東隅。今仍舊治。江寧縣。舊在聚寶門外西街。越城之側。今徙銀作坊內。係舊府治。行人司。在會同館西北。儀禮司。在長安街內南。僧錄司。在天禧寺。道錄司。在朝天宮。

鑄印局。在禮部門內南。文思院。在大中街西。營造所。在栢川橋北。宣課司。一在聚寶門外。一在龍江關。都稅司。在大中街。巡檢司。一在江東渡。一在龍江渡。茶引所。在都稅司東。抽分場。一在毛骨堤。一在龍江關。教坊司。在行人司南。武職。中軍都督府。在承天門外御街西。左軍都督府。在中軍都督府南。右軍都督府。在左軍都督府南。前軍都督府。在右軍都督府南。後軍都督府。在前軍都督府南。十二衛。錦衣衛。旗手旗金吾前衛。金吾後衛。羽林左衛。羽林右衛。府軍衛。府軍左衛。府軍右衛。府軍前衛。府軍後衛。虎賁左衛。在京各衛。神策衛。虎賁右衛。統騎右衛。天策衛。豹韜衛。飛熊衛。鷹揚衛。廣武衛。典武衛。英武衛。龍驤衛。留守中衛。留守左衛。留守右衛。留守前衛。留守後衛。瀋陽左衛。瀋陽右衛。龍江左衛。龍江右衛。水軍左衛。水軍右衛。廣洋衛。龍虎衛。鎮南衛。江陰衛。應天衛。和陽衛。武德衛。橫海衛。教場。在復舟山南。即晉成帝北郊壇基。文武官朝房。在長街左右門外南北街。倉庫司局。鑿寫庫。在長

安在門外。軍備倉。在鼓樓西馬鞍山下及各衛營。黃冊庫。在玄武湖洲上。火藥局。在淮清橋街北舊馬公洞基。寶源局。在大梁

甸東。鞍轡皮作軍器顏料等局。在太平街西。

橋梁。大中橋。即古之白下橋也。在通濟門東今名大中橋。淮清橋。在大中橋西南一里許通泰水舊名東水關。今名淮清橋。鎮淮橋。在聚寶門東。吳特南津橋也。名曰朱雀航。今名鎮淮。新橋。在今雜仗

一坊號騎衛口。本名萬歲橋。又改名飲虹橋。新橋。乃吳特所名。至今俗呼為新橋。襲其舊也。內橋。舊名天津橋。又名虹橋。即六朝舊內門也。在

宋行宮前。今名內橋。在中城兵馬指揮司西南。太平橋。在鼎新橋東。與建安坊相對。舊名欽化。又呼筮橋。古傳茅山苙宗師所建。宋改太平橋

今因名之。鼎新橋。在太平橋西。舊名小新橋。宋改鼎新。今因名焉。

大市橋。在中城兵馬司西。舊名西虹橋。今名大市橋。會同橋。在大市橋南。舊名閃駕橋。宋名景定橋。今名會同橋。跨運清水。昇平橋。舊

名東虹橋。在上元縣西。今名昇平橋。乾道南北二橋。在今斗門橋北。二橋相望。即古運清水道。今仍舊名。高橋。在通濟門外。吳奉伯通所

建。因名其橋曰來。後人轉來為高。今因之。斗門橋。在今三山街近三

山門。即運清水關。今仍舊名。崇道橋。在朝天宮東。今仍舊名。大通

橋。在今長安西門外金水河所出。

國朝新建。通濟橋。在通濟門外。即古運清泰淮水也。今仍舊名。武定

橋。在今織錦三坊內。今仍舊名。中和橋。在正陽門外。

國朝新建。江東橋。在今江東門外。

國朝新建。來賓橋。在今聚寶門外。

國朝新建。善世橋。在今聚寶門外。來賓街西南。珍珠橋。在今洪武

街珍珠河水上。昔陳後主沈舟遇雨。浮渚生宮。人指之曰。滿河珍珠。因名

為。韓橋。在觀音門外。去城東北三十里。重譯橋。在聚寶門外東

重譯街。即古烏衣巷。朱雀橋也。今名重譯。

國朝新建。上浮橋。在新橋西。

國朝新建。下浮橋。在上浮橋西北。

國朝新建。長安橋。在聚寶門外。古長干橋。五代楊溥城金陵。鑿濠引泰

淮。統城。今名長安橋。玄津橋。在

皇城西。後成橋北。

國朝新建。竹橋。跨清溪水上。在。

永樂大典

卷七七〇一

皇城西南對栢川橋北。通太平門。栢川橋。在通濟街。後成橋。在玄津橋南。既壞而復成之。因以名焉。北門橋。在洪武街舊北門口。重橋。

在上方橋東南。上方橋。在中和橋東南。毛翁渡。在聚寶門外。

毛翁填南。晉顧榮與陳敏戰於此處。榮以白毛羽扇軍。因名。毛翁渡。後訛稱毛翁渡。今名因之。

江東渡。在江東門外。舊名平家圩渡。今名。

江東渡。毛翁填。舊毛翁渡。

街市。長安街。在。

皇城西長安門外。即舊白下橋東。大通街。在大中橋東南。接通濟門北通。

竹橋。里仁街。在大中橋西。宋程明道築南軒書院。故基。今名里仁街。

存義街。在里仁街西。宋上元縣學故基。特雅街。在存義街西。

和寧街。在特雅街西。中正街。在和寧街西。廣藝街。在上元縣。

西舊名細柳坊。一名武勝坊。教化坊。在中城兵馬司六朝內城基。其。

西元建龍翔寺。今天界寺故基。裕民坊。在太平門北街。舊真武廟街。

建安坊。在鼎新橋北街。俗呼下街。善政坊。在大中橋西。舊名九。

曲坊。務公街。在善政坊西。舊名青溪坊。致和街。在務公街西。舊。

清平橋街。在大市街。在中城兵馬司西。故天界寺門外。舊名夾道街。

永樂大典卷七十七言一

二十二

全節坊。在朝天宮西。舊名忠孝坊。晉卞壺死節處。今名全節坊。織錦。

一坊。在聚寶門內。舊桐樹灣街。織錦二坊。在鎮淮橋北。舊國子監。

街。織錦三坊。在織錦二坊北。舊闕王廟巷。大中街。在針工坊北。

舊狀元坊。雜伎一坊。在聚寶門內。鎮淮橋南沙河街。雜伎二坊。

在鎮淮橋北。舊竹街。雜伎三坊。在雜伎二坊北。建業坊。鞍轡坊。

在雜伎三坊北。銀作坊。在鞍轡坊北。舊金陵坊。鐵作坊。在弓匠。

坊。東舊小木頭街。弓匠坊。在鐵作坊西。舊擊子巷。禮匠坊。在弓。

匠坊。西舊水道巷。習藝東街。在習藝西街東。習藝西街。在皮作。

坊。東舊土街。皮作坊。在習藝坊西。舊評事街。洪武街。在北門橋。

東。英靈坊。在十廟西。成賢街。在國學前。太平街。在太平門。

南。大市。在大市街。舊天界寺門外。物貨所聚。大中街市。在大中。

橋西。三山街市。在三山門內。斗門橋左右。特果所聚。新橋市。在。

新橋南。北魚菜所聚。朱賓街市。在聚寶門外。竹木柴薪等物所聚。

龍江市。在金川門外。柴炭等物所聚。江東市。在江東門外。多聚客。

商船隻。米麥貨物。北門橋市。在洪武門街口。多賣鷓鴣魚菜等物。

長安市。在大中橋東。內橋市。在舊內府西。聚賣羊隻牲口。六畜。

場 在江東門外買賣馬牛驢騾猪羊鷄鴨等畜 上中下場房 在清
京門外七寶殿正布帛茶筵紙燻等貨 草鞋尺 在儀鳳門外江邊七

集杖木

樓館 會同館 在長安街西四方進貢使客所居 烏雲驛 在會同
館西以待四夷進貢使人 龍江驛 在金川門外大江邊 江東驛
在江東門外大江邊 客店 一在長安街口 一在竹橋北 一在通
濟街西 一在江東門內南北街以待四方客棧 鼓樓 在今北城兵
馬司東南谷名馬黃泥灣 鐘樓 在鼓樓西
酒樓 江東樓 在江東門西對江東渡 鶴鳴樓 在三山川外西關
中街北 醉仙樓 在三山門外西關中街南 集賢樓 在毛青渠西
樂民樓南 樂民樓 在集賢樓北 南市樓 在三山街皮作坊西
北市樓 在南乾道橋東 輕煙樓 在江東門內西關南街與灣粉樓
相對 翠柳樓 在江東門內西關北街與梅妍樓相對 梅妍樓 在
江東門內西關北街與翠柳樓相對 灣粉樓 在江東門內西關南街
與輕煙樓相對 謳歌樓 在石城門外與鼓樓並 鼓樓 在石
城門外與謳歌樓並 來賓樓 在聚寶門外來賓街與重譯樓相對

永樂大典卷七千七百一

二十三

重譯樓 在聚寶門外與來賓樓相對 斗佛樓 在三山街北即陳朝
進奏院故址宋改報恩光孝觀今即其地為斗佛樓 駱駝亭 在靈谷
寺西南 郵鋪 一在通政司 一在鼓樓 一在應天府 一在安德
門外 一在太平門外 養濟院 在金川門外 富樂院 一在武定
橋東南舊鹿苑寺基 一在聚寶門外東街 拘欄 一在武定橋東
一在會同橋南
廐牧 牧馬千戶所 在朝陽門外 馴象千戶所 在正陽門外 養
席房 在聚寶門外 猪羊六畜園 一在江東渡口 一在龍江渡口

園圃

國家逾年海運糧儲及隄防沿海倭寇其成造船隻所用桐油棕纜皆出於
民為費甚重

皇上矜恤民力乃經營布置於朝陽門外蔣山之陽建立園圃廣植棕桐漆樹
各數千萬株所以備
國家之用而省民供也 漆園 在桐園北 桐園 在漆園南 株園
在桐園東

南京賦千子藤絃 黃斑園作東西都賦鋪張兩漢之盛千載而下讀者

如身歷閩洛之間而目睹高光之規模也

皇明定都金陵金陵在楚威王時占者以爲有天子氣後雖六朝建都僅保東

南未能混一區宇皆未足以當是氣之盛從

聖天子定鼎以來東取三吳南平江漢西收隴蜀北清沙漠奄有六合禮作樂

興帝王統緒絕而後紹衣冠文物墜而後振整頓乾坤再造中夏曠古以

聖朝明矣夫物之久而後成者物必大而堅也氣之蘊蓄久而後發者其氣必

綿延悠久盛大而無窮也

京師王氣占於二千餘載以前而應在二千餘載之後

聖朝億萬年盛大之業於此見矣茲謹學焉

南京賦因楮筆墨成文假爲問答以發其意焉賦曰 管城子與子墨客

帝鄉之佳氣美

聖代之龍興管城子首起而請曰壯哉南京地勢天成爲帝王州今古所稱然

而建都建康金陵秣陵凡幾更而定於今日應天之美名在昔六朝建都

皇明手子墨客卿曰子知其一未知其二昔在荆楚威王之世太史所占此有

王氣爰開內府筆全就瘞彼欲以人而勝天適見楚人之未智由共而晉

累朝相繼未有混六合而爲家用中夏而變夷則王氣之盛彼皆何足以

當之且觀夫層城屹立上出雲霧老石嵯峨鎮壓江許直方若奮而欲前

曲方若回而返顧早方若有俟而踣高方若有起而怒所以像猛獸於秋

方表都城之神武茲其所謂石城堆萬年而虎踞者歟至若青山巔屹峙

乎雲端大阜拱乎

皇居考如神物養道而不動群峯立於城際考如頭角嶄焉而爵盤削芙蓉考

高峯走蛇蜿蜒考長巒作擎天方一柱乎神秀考兩間茲其所謂鍾山亘萬

古而龍蟠者歟又如長江西來下經洪都隄爲都湖出于小孤蓄怒湍悍

合川與漢洪濤漲天香無畔岸至于龍灣洶湧瀾漫茲其所謂天塹昔人

望之而興歎者歟疏爲支江連城盤迴橫以關梁相望在龜理乎水門引

乎城中溝渠流灌湖汊相通萬里舟航帆檣蔽空際天薄海靡不來因是

以三吳爲其東府荆蜀爲其西戶南有嶺海之險北有河濟之固青山遠

聳考若圖畫之遙分翠壁傍擁考如屏藩其重護崇岡谷起乎阜四遠今

二思昔六朝既歿天運未回夕陽落烏衣之巷浮雲蔽鳳凰之臺蓋后皇
蓄其奇而不發將火閩而大開厥後戰馬嘶風群方鼎沸積骸如山揆歷
天地

聖皇赫怒義旗斯起臨江按劍鯨波如砥開門送款生民有

主定鼎于茲永固根柢已而東征西怨敵無堅壘掃除殘暴天下同軌然後
開新城拓邦畿倚建康

皇基不必羊茨以昭儉不必壯麗以重威宮牆環遠觀闕翬飛鳥人間之天上

法星象於太微碧瓦煥朝陽而共耀瑤階與夜月以同輝奉天弘開高臨

五雲青龍翼翼乎內殿玄武赫赫乎北門

聖人以天下為重而堂曰大本

聖人不自以為聖而殿曰謹身環珮珊瑚雲氣輒來於僊仗

冕旒穆穆日華絢彩於彤庭東則青宮高明

儲君所居廣廈細禮育德詩書究典禮於姬周講心法於唐虞紅雲開兮寶

殿宮花明兮綺疏脩問安之至敬踵聖王之弘模外則中書之堂丞相之

府是為鳳凰之池式養夔龍之武為千官考表率使百揆考時叙六卿分

職理政事之振機四海晏安見變調之丕緒爰聞督府兵事倣歸風動雲

永樂大典卷七十一

二十五

興如虎如龍飛將集而鐵騎戾止三邊靜而羽檄不飛白日耀光於甲冑
蛟蛇舞影於旌旗府衛森嚴克臻

皇威並列崇臺提憲之綱青冠白簡烈日秋霜馳馬踈蹠手秋風拍馬翔舞手

朝陽表正百司令肅萬方又若史官載筆詞翰之林雅誥其文金石其音

載立碑雍湯湯其流天下俊髦來歌來游禮樂之司天文之署尚鑿大僕

百職具舉雍雍鸞鳳之儀濟濟鸞鴻之侶莫不環拱

皇居承恩

帝所左則清廟於穆晉構宮堦禘嘗尊

祖峻奔百條南建負丘北開方澤天地定位百神受職歷代帝王儀容儼飭有

德有功總歸廟食款于神人萬世丕式爾乃御溝溶溶迤乎宮牆長橋卧

晴虹之枕恩波耀紅旭之光天連

御路地轉長廊雲集兮有街會同兮有坊爾公爾侯甲第出雲高門大宅

表其華勳下達閭閻生齒孔殷接棟連甍隘乎通城地因表著營以衛分

崇墉屹屹廣路迢迢四門既開重譯來朝行人駕肩於廣市舳舻街尾於

關橋雲起北山灑溥天之霖雨風生滄海送及特之信潮若乃江山之奇

風景之勝地勢之雄人物之盛所以壯四海之游觀播名賢之歌詠並天

永樂大典

卷七七〇二

地以流傳亘古今而莫盡者皆有待於
皇明之受命也故知天地儲祥于茲有年應在

明時執云不然吾方與子游乎禮義之林樂乎熙皞之天播頌聲於
昭代托金石而永傳管城子筆然而聽釋然而悟褚先生曰卿言得失猶有

所未盡也夫天祐中原冠裳禮義者而為夷夫豈天意天以

聖皇紹中華之正統開萬世之太平變左社而衣裳易推髻而冠中制禮作樂
惠此蒸民整頓乾坤天地一新萬世一特千載

一人夫豈山河之險能為其重輕言未既二子憮然拜且謝曰微先生言知不
足以及此夫運氣回於天而

聖皇當其會王氣應於地而

聖朝當其特固不待金乎城湯乎池而開萬億年之丕基也 蘇伯衡詩

天作山川奠

帝京大江為壑石為城安西事業資吳漢治內人材得孔明牧馬已空燕地草
射雕敢近漢家營功成不用論封禪自有鳧鷖頌太平

聖主當陽御六龍真成岳拱定華戎十年邁見文明盛五緯行瞻次舍同執旦
籍田稽古典成王周業始幽風告成又見行封賞共喜天山早挂弓

永樂大典卷七千七百一

二十六

聖心淵默事彌綸朝御乾清夕謹身王氣萬年當建業龍光半夜起天津自緣

廟算成功遠終見殊方送款頻甘露頌成齊入奏蒼龍閣下候雞人 苟

藥名花簇生團詞林寵遇眼中稀論思惟日越三殿奉引常特近六飛半

夜金蓮天上賜幾回玉佩月中歸青袍多幸微班忝祗愧無能補舜衣釋

來後詩南京四首 龍虎山河御氣通遙瞻

帝闕五雲紅英雄盡入江東籍將帥多收薊北功禮樂日稽三代盛掃航歲貢

萬方同都將儉德熙文治淳俗應還太古風 黃道天清擁佩珂東南王

氣林陵多江吞彭蠡來三蜀地接昆侖帶九河鳳閣曉霞紅散綺龍池春

水綠生波華英混一歸

真主瑞拱無為保太和 列郡徵材起俊髦萬機獨使

聖躬勞開藩上相頌龍節破虜將軍託豹韜地入黃圖三輔壯天垂華蓋七星

高迎春別賜瑤池宴捧進金盤五色桃 曙鐘催入紫宸朝列炬流虹騃

絳霄天近鼉頭花簇仗風低豹尾樂鳴韶衣冠一變無夷

俗律令曾頒有正條昨日鍾山甘露降瓊珠滿賜出宮瓢

永樂大典卷之七千七百一